

三十六灣草廬稿

三十六灣草廬稿卷五

三長物齋叢書

寧鄉黃本騏花耘著

抵南通州謁唐陶山先生卽席次韻二首

廿載清風兩袂空
高懸治譜照江東
潮添蜃海千層雪
春繞狼山萬樹紅
觴詠槃桓追白傅
琴書料理到黃童
曠懷雅寄歸耕興
楹勝新題闕數弓

聽事前新匾
歸興二字

蕭疎關塞此身空
行李欣逢道盡東
粉絮影留三日白
銅荷春燒一枝紅
藏花嘲謔牙成呿
監酒森嚴殺出童
酒間行藏花令
千里謁門容入座
翹車終愧賦招弓

時將計
偕北上

再疊前韻酬陶山先生二首

覃精著述手摩空遊眺江東歷魯東岱嶽雲扶雙屐綠
吳淞花颭一船紅食魚久信歌無客愛雉真看政及童
况是風騷開海國詩衣織滿萬家弓

萍跡依然逐浪空十年揖別憶婁東歡陪尊筵來浮白
夢繞輪蹄踏軟紅獎藉多時憐小輩才華少日愧奇童
天文應喜占星聚德里人猶仰仲弓

圯上口占二絕句

千金散盡爲韓亡圯上潛行智勇長倡義一椎具首難
沉沉笑殺夥頤王

顛羸顛項只譚兵一卷書成孺子名誰授遺經灰燼後

老人終愧濟南生

經東阿項王墓下

祖龍坑儒生新安一坑秦無兵祖龍火典籍咸陽一火
秦地赤草草作事真英雄魯儒守義思無窮衣冠具葬
尊魯公呼嗟乎仁如婦人勇匹夫石麟卧傍宣尼居赤
眉搗盡長陵土碣雲龍虎今何如

河間述舊

先大父曾官此地司馬

驅馬瀛州地人烟極目空草荒毛氏里花落獻王宮舊
德滄桑外遺歌黍麥中衣冠畱畫壁灑淚拜東風

涿州曉行

白日照平地遠山猶未明隔煙人語碎溜石馬蹏輕麥
氣霑衣潤冰花著樹生車鈴搖替戾曉出涿州城

調晏湘門

貽琮

碣石宮荒草不春軟紅蹋徧薊門塵蕭蕭擊筑悲歌夜
暑狗中多竊聽人

煙月魂銷六代愁玉關誰復唱涼州四絃淚濕銅琶曲

除是城南趙綠秋

綠秋燕市
曲中翹楚

贈歌兒彩伶

珠飛黛舞月昏黃翦水帷雲一篆香絕代風流讓陽羨
濃情無墨畫雲郎

捧出瓊枝秀絕羣衣香花氣裊氤氲涵烟翠疊雙眉嫵

占盡揚州月二分

彩伶揚州人

宜嗔宜笑儘溫存頰潤紅潮帶醉痕無限春心撩客夢
東風吹豔海棠魂

紅檨燈下轉鸚喉鈿篋瑤箏雅韻流安得阿姨三百萬
爲卿破費作纏頭

霧縠雲樓別樣春琅琅韻屣蹋微塵白鷗鷺唱情無那
倦眼斜飛可意人

纏綿情蜜吐絲絲呢我偏多決絕時一笑茂陵拚病渴
無心北地買臙脂

諸緇部仗錦週遭桂

秋菊如卿

爭芳月旦高畢竟花場春

有價穠華難替鄭櫻桃

卿如飛絮我飄萍被酒追歡眼獨醒他日五湖秋滿棹
一簑攜去配樵青

上英煦齋侍郎六首

霄漢鳴珂最上頭瀋陽世閱冠通侯烏蘭雲牒膺三錫
白賁星旂颺八旂照代簪纓追許史起家詞賦邁曹鄴
延光宅繞金閨彥一鏡高懸仰萬流

朝衫香惹御爐薰簪筆西清富典墳宮製紅牋徐孝穆
史編青鏤沈休文直廬夜湛三垣露朶殿晴烘五色雲

况是集賢推掌院眾仙袞袞誦清芬

朱轡花外走輕雷手握蘭香綵仗開班領六曹儀百辟
秩崇九轉晉三台傳宣沙築金堤柳啓沃羹調玉鼎梅
禁漏沉沉天秩蕩端凝冠劍侍蓬萊

春官兩度主文衡桃李新陰匝

帝城冀北野空曾市駿江南花滿早遷鶯箕裘自紹先

芬舊

其先文莊公六主
禮閣五主鄉試

衣鉢仍傳世業榮盛事久符裴

睥語門生門下見門生

禁兵親與策恩新虎旅趨風夜警巡拱極羽林森壘壁
環天匡衛肅勾陳韜鈴范老蟠千軸鎖鑰萊公鎮一身

勲紀揆文還奮武盡輪丹悃翊

楓宸

贊參樞密入

機廷露渥天杯醉醪醕視草南房宣

詔紫黼黻東觀校書青據鞍雲蹴飛龍騎壓帽風彫彩
驚翎聞道冊封滄海外辰韓猶照使臣星

握四黼齋比部邀過澹園賞菊

數弓地闊鳳城旁深淺敲開九日霜圍冷秋光饒逸澹
簾薰花氣助清狂漉巾酒熟高人醉抱膝吟酣晚節香
滿眼西風客寄傲蓬然一枕到羲皇

黃瓷灌漑瀟紅泉高下花飛紫翠鮮風月半牕聯舊雨
琴書四壁潤秋煙折腰久謝塵中夢插帽應參醉後禪
絕勝梅村畱雅詠太常清墅築西田

百卉經秋盡委塵傲霜葉葉見精神香真有韻能逃俗
澹到無言最可人栗里來探雙屐雨杏林偏護一枝春
菊有杏林春
譜一種最佳熱懷自笑難湔洗慙對名花說隱淪

我家住近羅含宅閉戶餐英讀楚辭細雨疎烟仍對此
寒蛩冷雁寄相思蒼茫望遠人千里搖落傷秋酒一卮
今日花邊容醉賞蕭蕭搔鬢立多時

爲何仙槎編修題蓮花橋圖卷

秋虹跨溪石舊圯葺前朝橋係唐時舊址亭影綠雙樹蓮花紅
一橋流香湘月冷普渡佛帆遙欲踢金鰲背卿思畫裡
招

過易水題黃金臺

瘦馬凌兢蹋曉來三年衣袂薊城埃開宮漫說師鄒衍
買駿何人識郭隗遠樹寒雲遮古驛落花春雨暗荒臺
風流銷歇黃金盡悵望千秋國士哀

嘉慶丙辰賊擾荆襄有閩女被掠秣陵淩芝泉

詩

倉皇援之託閩中老友攜歸後夢女泣訴失所
芝泉文以紀悵感題此什

蹂躪荆襄日妖蓮遍地花寒雲荒鼓角白日冷蟲沙故
國已如夢美人何處家殘烽今掃盡展卷尙咨嗟

題鄧南坡先生投壺小照

先生老作儒門宗炯炯紫燄方雙瞳一官低壓百寮底
著書插架排雷風絹拓鶯溪頰殊絕投壺影靜哦青松
巉巖劈面灑飛瀑似按節拍間瑟瑟圓點擊聲方點鼓
蓮花擦手翻晴空咄哉武溪多毒淫花衣犵女提繡籠
舞杓跳月吹蘆簫先生冷踞一片席八年聲鐸開盲聾
未須彈劍擬薛蜀政要運甓師陶公門生和曲夜吹笛
將軍雅歌秋囊弓淘洗儒酸寓經濟前磨蠹魄歸雍容

落落嗟我嘶寒蟲慣遭醉尉呵歸驄何時侍公喝飛矢
仰天一笑流霆紅

彭鷗亭觀察

應燕

寄示擘螭聯吟次韻奉答

雲開繡戟譙詞豪藻思風飛墨湧濤簾捲湘波秋一飭
綠橙香擘紺花螯

皮陸風流角韻豪一編秋色瀉吟濤吾家阿虎真癡絕

虱底偷分吏部螯

卷中虎癡
和韻最多

飽嚼花前飲政豪畱犁香漾酒生濤松風誰寫瑤琴韻
瑟踏爬沙認老螯

記譜紅牙調最豪桂枝香裏咽寒濤秦宮夢到無腸斷

宋本唐藝孫桂枝香詞中語 秋老江湖褪紫螯

草泥蹤跡久難豪回首吳淞賜夜濤葦箔一簪紅照水
涎流幾輩縛秋螯

吟寒賜壁笑蛩豪社酒何人餉李濟安得侯鯖分一味
椒鹽洗手斫冰螯

明妃出塞圖

一紙春風影何曾畫史差君心青海月妾淚漢宮花怨
入烏孫曲悲深蔡女笳蕭蕭荒塚草畢竟染胡沙

桐城張明府

鴻成

讀書秋樹根圖

萬軸傳家半賜書牀連秋樹子雲居由來飛到神仙島

餐宇前身老蠹魚

醺醺有味讀書聲
匝地桐陰一卷橫
采得夕葵思潔膳
秋風吹入廣微笙

袁岸夫太守

廷極

姬人抱鴛圖

姬人爲醫誤太守傷之仿一國初方

爾止先生姬人抱鴛圖寫以寄恨

驟雨無端潑沼蓮
紫房坼影化秋烟
探丸誤訪茅山使
竊藥翻奔桂府仙
金縷招魂傷簇蝶
琉璃枝灑血怨啼鵑
吟衾裏盡中郎淚
錦瑟難膠一柱絃

天上人間渺莫尋
烟銷蕙帳委鉶金
胎仙竟煮無情火
佛鳥難棲共命林
如此葬花春寂寂
縱教填石海沉沉

青陵一樣芳魂化幽恨終銜不死心

題樊朗西茂才全詩集

倦遊難洗馬蹄塵來此逢君藹獨親
一劍影寒燈下鬢半囊詩隱客中身
蠻溪芳草愁吟雨軍帳桃花卧賞春
豁我幽襟流雅韻亂山飛翠石嶙峋

次韻題姚香南觀察興潔洗兒圖

照眼綳花潑灑新紫胞初脫浴盆身
珥貂毓秀開中葉蠟鳳傳香有替人
弄得掌珠何惜晚美於冠玉豈長貧
請看世上癡兒子一笑紛紛盡植麟

牙牙學語阿翁憐頭角崢嶸倏二年
文度卽今長置膝

令暉他日定齊肩謂女公子三章寫韻來居後一字稱師快

占先時公子週二歲侍兒抱立凡側觀察屬寫數字教之門戶公然高絡秀昂參

光燭在東籀

擒殲罽玩勦奢香坐鎮巖疆化澤長攬德鳳毛儀九奏
宣風豸冕頌三湘勤傳薪火兒能讀清礪藎鹽老倍嘗
一語祝公應拊掌煙樓撞破竟何妨

柳枝詞為張東陽同作

折殘江北江南柳怕送行人過灞橋底事東風偏薄倖

又吹新綠上長條

風流真箇影翩然慘綠旗亭畫禁烟瘦盡腰肢無氣力

懨懨春病倦三眠

鈎簾凝望遠迷津無語含愁彈翠顰樓上美人樓外樹
一般憔悴可憐身

四圍濃綠矮牆遮影透疎櫺幾榻紗幮泊天涯烟又雨
恁兒夫婿祇如花

蹴地毵筆鎮日垂欄杆倚遍寫相思一心安得人如柳
露眼窺儂綠意癡

絲絲欲綰阿郎心去馬蕭蕭蹋綠陰銜取飛花入窠裡
背人分付小紅襟

蕭娘店外嚙烟翠蘇小堤邊咽露黃羨殺曉風吹作絮

化萍飛去傍鴛鴦

半擱春陰半晚晴
依依裊裊不勝情
柔絲一種春難斷
妾織迴鸞柳織鶯

向人婀娜復溟濛
啼斷棲烏黯澹中
如此心情如此樹
春風難耐况秋風

經年我亦酒魂銷
惆悵簷前認舞腰
記得夢尋芳草路
一條烟水段家橋

鍾馗夜讀圖爲香南觀祭題

磔磔盈腮倒捲髭
生天成佛總成癡
呶唔長夜何時旦

奴鬼垂頭睡不知

旁畫小鬼
垂頭而睡

蠟花搖綠鬼風多，
蠟理頭死入魔。
蕊榜無名題碧落，
何妨關節問閻羅。

花樣文章轉轉新，
揣摩終古誤頭巾。
知君羨殺方三拜，
僥倖科名死後身。

紅紗影裡眼模糊，
博得朱衣首官無。
翻欲借君書一卷，
降魔咒鬼畫靈符。

次韻題汪浣桐茂才小照

三載摩天滯弱翰，
秋風羸馬出長安。
離塵術未騰輕蹻，
驚座名曾詫小冠。

初晤浣桐疑與浣雲儀部同宗及詢里望始知各別

欵洽茗澆

蒼雪乳生涯硯淬紫雲肝，
齊門好客客彈劍避火無嫌。

飯共搏

蒼茫春望遠蓬蓬聽鼓湘靈瑟未終佩芷紉蘭吟楚些
撩花犵鳥靖邊風千言諭蜀推司馬五噫思吳老阿鴻
記取軍門磨盾墨夜郎城外竹王宮

銜悲風木感年年客館情懷劇可憐心斷鴿原當日淚
夢遙駕帳再生緣絳桃花自邀專寵

昌黎姬絳桃

珠樹枝應

茁後賢最好湖山待歸隱觀潮我記踏蕭然

曩遊武林曾渡錢塘

江登蕭然山望海天諸勝

飄萍同此故鄉違入幕參軍古所譏筆札我曾慙谷永
刑名君定薄韓非粘天芳草青連嶂捲地楊花白到幃

幾許新詩題馬柱溪蠻抄去織弓衣

樂府酣歌雉子斑短衣龍雀壓雙環人來尚雨春將老

書盼衡雲雁未還

虎癡在衡陽久不得消息

怕首輸君麾白羽壺頭

訪古問青山儒生寂寂終何用高密登壇笑破顏

香南觀察以琴鶴歸舟畫於帳額并繫以詩次韻

帳掩梅花倚畫牕蕭疎琴鶴夢歸艘層巒潑雨青圍幕
野樹搖春綠過江一檣風馳招贊普三邊烟警靖都龐
東山莫漫思高卧曾除攀畱盡拜降

再疊前韻畱觀察

琴聲鶴影敞篷牕宦况清於石戢鱗笳鼓夜鳴諸葛寨

鶯花春夢伍胥江，墾開荒徼榆栽鄭拔盡，強宗薤握麗
況是推誠親，免胄吐蕃都爲令公降。

由五筭赴乾州道中作

鸞音聒耳語啾啾，猩狒叢中鎖日遊。
九折盤蛇梯磴道，四山蹲虎插碉樓。
崗谿險闢苗風洗，草樹腥餘戰氣浮。
想見籌邊傳介子，枕戈慷慨擁貔貅。

乾州廳昭忠祠弔宋司馬

如椿
旗人

烽火攖城智勇捐，蒼涼碧血灑寒烟。
焦頭上客論功日，齧齒孤臣入地年。
燕市雲歸秋唳鶴，蠻溪月落夜啼鵑。
蟲沙劫盡丹忠炳，銅柱摩挲意黯然。

白蓮次彭石屏上舍

文藻韻

炎塵不浣軟綃襟，澹香邊愜靜吟。
幾葉涼雲扶露靨，一奩冷月蕩波心。
僧開白社誰如遠，詩到青蓮句似陰。
北渚寒秋休泛棹，屈騷流怨渺於今。

冷然爲我浣幽襟，清簟疎簾抱膝吟。
飛燕舞衣留瘦影，狎鷗秋艇話同心。
無多混漾香於水，最不分明月有陰。
一笑淡交盟淨友，停雲招颭雨來今。

秋日隨蘭坡先生遊太虛洞

乾州城東五里

茲州宅荒隅，夜郎郡拓舊環城。
森峯巒百嶺，翠一秀平生。
邱壑癖癡結，不可炎探秋陪杖履。
徐行長者後，俯淵

踏危碕梯山仰叢岫凌虛躡洞天呀然豁靈竇失笑足
音蹇譬彼幽人邁螺懸一殼圓蟾偃半月殼烟藤紫垂
屏雲花爛列繡縮瑟來深窺跌蕩恣俯就歆仄紆盤蛇
趨捷競飛狃踐黯聲彭觥握衣勇啣啗紺間中開張遂
若敞堂廡無乃棲真鸞時見撲仙颺闢鑰遊瑯嬛訪砂
到勾扇一呼獅吼林四應牛鳴帘滃巖嵐氣蒸穿罅日
光透凝乳紛高低怪石錯左右銳折笋尖枯奚磨筆頽
瘦如渴驥將奔似燧象欲闢莊嚴梵王髻腫醜齊女瘤
卧虹忽橫飛一豹跨清酒噴薄流琤潺韞韞叶金纂積
竿深莫測投塊底誰究怕驚蟄蛟眠綠淨未敢散乃知

洞曠中別有人間宙嵌壁三殘碑飛動類篆籀鳳泊字
消沉螭拏趺皴皴畫肚味波磔矜牙脫句讀先生坐洞
門遙以手指授刮薜命摩鈔古芬襲衫袖曛鉦挂嶺低
暝練薄林湊出洞循歸塗行行步仍畱回望鬱蒼蒼疎
鐘遞靈鷲

洞前有
佛剎

題趙春麓司馬

文在
松石小照

使君定是蕭思話意在長松瘦石間睡起捲簾吟抱膝
囊琴籠鶴午陰閑

盤陀磴石綠扶疎雨載邊城坐嘯餘長日風清攤一卷
春秋獄決廣川書

謾謾風生醉脫巾爲霖爲雨鬱蒼鱗虎頭粉本真癡絕
巖壑中間置此人

海粟園菊山爲蘭坡先生賦二首

堆磊瓷花貼酒天遠分朝爽淡無邊別探巖壑幽人徑
寫照烟霞隱士緣賞雨未須雙蠟屐買秋誰辦一囊錢
眼前幻出岡陵影來酌寒香壽倥傯

一樣峯巒疊幾層窗含遠影寫秋燈依然靖節籬邊見
不羨重陽雨後登笑我餐英來俯仰爲人招隱太峻嶒
名山久訂平生約悵對西風了未曾

虛飄飄次蘇文忠公韻

虛飄飄騎驢箱疊紙渡蟻草編橋連泐鉢干朶絃鏗冰
七條燈影寫花橫素壁水心投石破青霄虛飄飄比勞
生世猶堅牢

虛飄飄山氣晴成市河漸凍結橋秋風班女扇春絮洛
娘條炭獸蹲壚雄噴火紙鳶斷線健摩霄虛飄飄比侈
聲勢猶堅牢

虛飄飄銀花翻雪窖火樹閃星橋衣暖蘆裝絮珠圓露
墜條寶鴨颺烟蟠碎篆金蛇掣電割層霄虛飄飄比張
勲業猶堅牢

次韻俞朱晴溪

照廉

不斷松風謾謾吹清遼譚塵忘朝飢才名少日君超甚
著述中年我愧之綠酒紅牙張叔夏筆牀茶竈陸天隨
幽襟攬盡湘州秀流韻蘅荃百首詩

一笑齊竿久倦吹閉門煮石腹鳴飢鶯花舊夢愁無那
湖海狂名浪得之選入文樓勞首肯

以余詩入同人集

掣來吟

簞快肩隨風流合遣雙鬟唱賭取旗亭畫壁詩

觥酒生鱗斲斲吹一亭登秀療余飢

是日燕同人於竹公房寺後有亭曰

秀過江嶽色青來此到寺湖光綠繞之開士談禪宗遁
遠名流摘艷棄陳隨攢眉莫笑迂難洗清嚼寒梅細寫

詩

柳下懷張笠漁

潏岸瀟瀟月一痕
幾絲搖曳舊吟魂
危樓煙淡章臺路
破屋春荒處士門
醉想小蠻翻別調
愁聽羌笛怨黃昏
風流忽憶張思曼
短艇曾維驛外村

題朱南溟鵬入夢圖

今古浮沉一枕頭
東風浪蝶撲簾鉤
何如睡熟華山頂
勘破滄桑五百秋

次韻送朱晴溪歸金陵二首

雙橈春送綠沄沄
望裏青山一髮分
歸夢遠含鍾阜樹
鄉心高颺鏡湖雲
鶯花又結新詩社
風雨應懷舊酒羣

龍劍磨秋閨夜嘯紫芒先躍斗間文

我亦秦淮咽夢多蕭然林卧感蹉跎春銷蔣妹祠邊酒
月冷王郎扇底歌戀舊中年情太惡煩君到日訊如何
寫懷芳草能相憶六六鱗紅一尺波

過銅官渚用杜工部韻

綠湧天無際層波渺渺間乘風來一葉流夢過重山
雨花飛澀江春柳破慳銅官雲幾疊翹首遠難攀

秦關

春水漲江綠舟行縹渺間篷牕拭遊目隔岸見青山
此地幾人隱仙緣終我慳高歌懷杜老訪古興饒攀

入喬口用杜工部韻

春風吹客醉村酒不須賒曠蕩心如水艱難鬢有華壯
懷雙劍冷離思一帆斜迴望湘流渺寒聲走白沙

野泊次秦百二關韻二首

挂席濛春流葉葉巒溪雨豁然萬山中殲此當車斧行
藥斲巖斧踏石落洞乳日暮蕩鄉心遙天雲一縷
我家負湘郭環以嘉樹林春風瞥然至吹綠林間岑
聳去鄉國悵望倩何任撫琴不成弄哀猿號夕陰

原作

秦關

江春夜流月天空收積雨遠火下漁舫隔林響猿斧

濁醪挹湘醺清茶烹的乳談諧共開襟消盡愁千縷
五溪隔楚西遠涉重攀林膽破逆灘浪魂消蠻嶺岑
歲歲此行役擬險力不任夜深思故鄉夢繞家山陰

沅江道中

春風碎客心吹作橫江霧隔斷舊山青溟濛天外樹騷
魂香草中千秋人不遇一杯醉江波喝月中流住

入沅江次虎癡韻

別淚灑湘雲萬綠搖竹箭愁絕鷓鴣啼扁舟去鄉縣朝
聞江水吞暮看江烟變回望舊家山蒼茫總不見廿載
片篷飛曳風鳶斷線性命波濤輕生死鯨鱓戰印爪笑

泥鴻歸心慙社燕此行又偕君依人磨一硯兼帛慎勤
裁丹鉛休告倦登牀杜甫狂洗足馬周賤誰能測延津
掣影躍秋練况我蹋蠻山破碎雲千片攷鳥恣啁啾
花空婉孌芥蒂雲夢胸模糊廬山面何時歸舊廬對牀
契夙戀

賀柘農孝廉

熙齡

次韻見贈疊韻畱之

攜手踏燕臺漏聽銅虬箭歸來各紛飛同閑儼隔縣君
才健於鵲盤空翻矯變瓊榻擁瓊湖風雅翩翩見憶昔
角馳騁流霆閃飛線辟易干狡狴雷雨昆陽戰嗟我坐
盲聾旦夜判蝠燕毫禿徃毛管墨枯鵲眼硯蠻府拜參

軍蠻語耳聽倦吐茵誰耐狂扣角自鳴賤此別慘難慕
莫翦半江練江水咽離愁激盪不成片畱人風打頭孟
雙亦婉變又詩聊撚鬚暖酒且熱面秋帆盼同歸倚閭
慰遙戀

題柳陰垂釣圖

科頭踞石坐塊然山澤癯絲楊腕地燕雙語東風吹綠
搖鬚眉我笑昌黎欲走海直釣未肯垂沮洳何如一竿
看君釣志在流水不在魚

至沅江贈陳楓階大令

宸書

次韻

片帆飛挂洞庭烟水影山光盪眼前點浪桃花紅未了

過江柳色綠無邊
課半曉旬來翼遂步馬春街避鮑宣
却笑清風仍兩袖
虛名博得宰官賢

天心湖雪泛

衝碎湖心雪
抽帆坐淼然
舊山青斷楚
遠水白環天
旅夢懸千里
春寒聚一船
朗陵在何處
雲外幾絲煙

過天心湖用王陽明先生過沅江望天心湖阻風

韻

撫劒忽不懌
行行去舊里
散髮掉扁舟
衝風一葉駛
巨浪撼愁飛
瀕雲壓天地
狂蛟又阻舟
十日九齟齬
蕭颯天心湖
慘澹楊么壘
朱鼎昔偏危
草竊亦睥睨
背危不

飛來安能靖江汜，搖湖卷草旗青青。千載指

卷草旗，湖上草名。傳

是岳侯靈蹟。

對此感茫茫，扣舷歌未已。蹤跡大海萍，浮沉渺

無淚。淚濕阮途窮，纍冷梁廡噫。倚市邯鄲倡，被酒來作
使。撥雲叫明月，一樽吾醉爾。太白杯猶生，伯牙絃已死。
去年京洛歸，到門笑投止。長揖入過幕，將軍大樹倚。唱
斷武溪深，毒淫澹清沚。吹角夜無眠，彎弧秋不弛。膽碎
盤馬聲，身翻射鵰勢。徑欲終投筆，何妨誓折矢。狂語駭
湖波，簸盪舟難艤。湖神倘我憐，怒顏應轉喜。傍晚風竟
平，拖練淨無滓。更呼瑤琴彈，東庚裂橫理。湖上青峯青
知音究誰恃？

邱高山壑作朗江送別圖見贈次韻題之

紅繞津亭綠繞隈
水光盪影亦徘徊
離雲低鎖仙人洞
一片懸蒲展不開

涵碧亭題壁

流水依然幾曲斜
東風吹綠柳鬢髭
九年夢斷仙源路
今日重來問酒家

過桃源用王右丞桃源行韻

輕帆吹挂桃源春
紅霞壓岸花飛津
三千年來問流水
我亦當時洞裡人
結茆記得緣巖隩
半枕幽泉半林陸
行吟未擷楚臣蘭
別淚不彈湘女竹
長城築怨宮築愁

逃遁笏笏脫赭服雲水一區天外源亦疏蕪穢鋤田園
不見瀉池龍壁碎詎知靳澤狐篝喧吁嗟海上童男集
徐市漂流去鄉邑蜉蝣島外片篷飛鼃鼃波中扁舟入
眷屬何如家此間擾攘浮雲任往還重瞳雖逝烏江水
五采龍遙芒碭山四塞况經黃霧見閭位蜺聲噪赤縣
銅臺歌伎悲曹瞞玉璽蒼生誤王衍世上滄桑幾戰爭
山中歲月無更變千古萬古烟雲深蒼茫隔斷桃花林
卽今商山起園綺如此仙源誰去尋

穿石

在辰
州界

飲溪渴蟒蜿蜒送躍立墓石屹不動

溪上山如盤蛇陡
削有石名蝦蟇

看盡鐵撐青天竅閭唵呀嵌破我鑱痕頗訝神磨錐斧
跡全消鬼鑿空虬螭挐攫蟠幽宮風雷吞吐激陰洞瞞
天參差一帳高凝乳時聞滴碎漣我來停船傍石根闌
首不敢恣嘲哂阿虎肩扶梯層巔趨捷雙趺躡飛鞋挂
樹落日圓傾盆插雲遙峯尖裴褰危橋空跨山半腰絕
壑俯懸壁一縫崑崙崇煥三神祠煙外泠泠搖鐵鳳踐
窟忽驚巢鶴唳窺林怕有山魃閨忡忡歸船擁被眠髣
髴神宮導儀從悄然拉坐竇石間頓遣巉崑化牖棟眺
游攀險雖我豪骭髀驅飢亦我痛再拜覩縷將申詞春
枕灘聲悖破夢

是夜所夢如此

湍花滾月蕭蕭流踞船橫笛疊

三弄

明月

寒翠落層霄稜稜插雲骨流影到蠻江一片湘天月

三十六灣草廬稿卷五終

三十六灣草廬稿卷六

三長物齋叢書

寧邾黃本騏花耘著

清浪灘次秦百二韻

灘風吹我毛髮寒，癡雲冷墮青巉巖。
平生膽碎江湖險，盤盤又上蠻溪灘。
萬石咽水水亂瀉，一纜失勢千丈下。
何異猿啼出峽船，灑灑騰空怒如馬。
曩聞轉漕師南行，頑根椎斷千猙獰。
乾隆乙卯平苗會盤險利運乃斬蛟鯨漏蠹蠹，
風飲浪鳴有聲伏波祠。飛壓石破支危尚，
賴餘威撐誰磨快劍盡剗新綠淨。
一溪春水平我來，汴灘了不忤開拓。
心胸要險地界兀片帆，翻然至驅鱷未敢當。
韓豪射

虎何妨呵醉尉却笑髯秦老作客吟摹萬險愁遠涉艤
舟且買灘頭釀澆君一醉春風熱

原作

秦關

雷霆戰鬪白日寒劍戟森立青巒峴洪濤萬丈走光
怪長江湧出清浪灘漲天雲岫夾灘瀉水石爭衡氣
不下石迎木搏立青猊水駕石奔馳白馬舟穿石罅
衝波行水石鬱怒威猙猙颼颼一派風火聲百丈纜
牽千篙撐得寸上寸尺上尺十里灘盡波始平波雖
平心猶悸瀟湘千里流無如此險地其險也如此胡
掉扁舟至旣非南征馬伏波亦非西謫龍標尉依人

強作登樓客千里蠻江勞跋涉鷓鴣聲裡憶故園
茅屋梅花春醖熟

泊辰州

斬斷青山骨梯雲拓郡樓人煙棲樹冷客夢咽灘流又
踏五溪水來停千里舟數聲邊外角落日挂壺頭

辰陽客舍逢寒食示虎癡

去年我來遊獨卧五溪堡今年又攜君同踏五溪道傷
哉貧驅人身世混猺獠酸風冷雨中坐令光陰老舉頭
望湘雲一白橫天杪臨行身上衣線跡縫顛倒慈親定
倚門雙眼倦遠吳大婦縑徒織中婦素空擣無米事晨

炊何能矜手爪縱不節禁煙定亦爨斷燎蕭蕭郭門骸
累累翳蓬葆燒紙嘯孤兒澆飯走村媪草荒先人坐迢
迢廢拜埽羨此蚩蚩氓其鬼尙宿飽瑣瑣煎中懷百憂
來倬倬客牕手一編勉旃共追討

題光嘯門乘槎圖

知君笑殺唐山人新詩滿瓢江流春又知君笑杜陵老
笠子縛頭寫詩草廼頂一笠腰一瓢半段枯槎萬里潮
散髮踞嘯天風飄飲牛河邊問洗耳泣蛟宮裡窺織綃
盜斟天甕枕槎卧磨餅灑灑蒼銅高我亦海門曾喚渡
雙脚蒼茫踏烟霧紅塵不洗骨不仙神風未肯擎帆去

金銀遙見飛層臺青島銜花琅玕樹誰知縹緲雲水涯
盡是君槎盪游處槎頭我欲開葫蘆借讀扶風舊漢書
不爾拜君君莫駭嵯峨袖中有東海

虎癡主虎谿書院以詩示余情詞鬱塞戲和二首
萬植酣酣蘇春陽烟絲飛送山一房虎谿先生絕可笑
抱經坐被藜根牀炯炯光吐鼻端白稜稜氣躍眉梢黃
幅巾試作鸚鵡舞要君學癡先學狂

閉關一編伴侶陽蔬笋厨冷如僧房歌聲有時出金石
筆花捶落銅琴牀天與男兒好身手徑須飛劍師中黃
生斫乖龍縛饒虎跳盪一吐書癡狂

虎谿書院謁王陽明先生遺像

先生自龍場還過辰郡畱龍興寺彌月辰人王
嘉秀實夫蕭琦子玉及劉易仲等游其門寺旁
石有杖藜塢三字先生題也石今無存

舊塢扶藜到衣冠碣像存宗風繇酉水餘緒勛寧藩朱
陸雖殊派王蕭得及門虎谿今樹學百代仰淵源

望壺頭山

壺頭矗立雲濛濛四環冷翠吹船篷豁然聚米拓形勢
終古新息畱英風烈士晚成四七際羊裘皮絢何恢雄
白帝公孫井蛙噪天水上將九泥封遨遊二帝不苟合

洛陽奉使真人逢南盪交趾北抗虜駱越鼓鑄銅馬銅
勲業不藉椒房貴圖書那用雲臺崇被甲據鞍示可用
壯哉征蠻翼鏖翁貌休大眾壺頭進要制蠻命腹心攻
鉅險利戰在神速寧假迂道潛由充炎氣毒蒸土疫死
天阨良非人謀窮曳足蛇窟耿颯爽裹尸馬革垂精忠
未論心跡論成敗西域胡賈讓誠工上書縱賴訟朱勃
飛謗何能排梁松不覲希範據五代控馭谿崗殲獠獍
一柱銅鑄錦獎界猶繩祖武銘其功二千餘年陳迹掃
巖關扼險開辰龍風馬雲旗想來去怪鳥呼烟爨嘯空
鐵笛橫吹武溪曲斜陽倒挂山椒紅

瀘溪道中

赤脚青裙汲水來山娃生小白雲隈
油桐花底杉皮屋門倚蒼巒半扇開

蓬沓銀環姊妹同蹋歌連臂唱東風
愴愁不管春多少

野菜山花滿背籠

背籠負物簣也

聞子規

參天萬樹暝雲齊千里離家客五溪
行到蠻山蠻水外一聲淒絕子規啼

清江洞

在瀘溪乾州交界

誰手摩天斧青山劈兩段一溪中間
流水花激淩亂飣

然礮晴雷咽洞石矸矸萬鼓撾都曇節拍不可按我舟
詰曲行怒湍屹於岸疾捷三長年破襖莫掩肝使篙篙
欲折使纜纜怕斷裸身躍入水噓嚙齊一喚或猛扛以
肩或彊拏以腕力瘁上洞來浹背赤流汗回望洞下流
餘威尙淝汧昂藏古丈夫冠裳立天半得非南征侶胡
此蠻方竄天風吹化石應爲勞人歎俛首何無言眈眈
峯頭看

洞上有石人立層
峯巔冠帶逼肖

大小壁流乙卯駐兵地也感賦

嗚咽灘聲繞壁斜倚篷醺酒弔蟲沙荒燐舊壘畱孤堠
劫火遺黎臘幾家濕擁瘴雲林喚鳥腥吹毒霧草藏蛇

此來衝險愁無賴又聽層磳起暮笳

舟夜

荒溪流片月激盪不成圓春氣暗生水灘光飛上船傾
壺人獨醉支枕夜無眠歸計占何日空山叫杜鵑

秋日游瀟溪丑坵諸山土人云乙卯大兵克復乾

州督帥駐營其地

曾聞羽檄走紛紛險接黔巫煽楚氛銅鼓神跳新息廟
鐵衣鬼哭武威軍環營萬樹明秋燒排戟千峯冷陣雲
誰挽溪流滌巖蘚鋤功補勒李皋文

巴陵翼立海爲傳
重庵中丞作永綏

紀功銘中敘陽孟
砦一節乾州地也

苗疆紀事八首

老婦槃中鹵信猜出犬王五溪蕃種部六姓宅巖疆誕
說傳辛女殊風接鬼方尾形仍陋俗僕鑒製衣裳

吼空傾濕竇拔地插雲根樹頂風顛鵲藤腰雨挂猿黑
煙荒砦蠱綠火戰場魂窟穴天開險驕藏吐谷渾

列屋開羊棚延賓上火牀

房屋如羊棚曰羊樓中設火牀男婦聚處其上鬪歌

邀老妹

呼女弟爲老妹與漢音近客至鬪歌取勝

講友聽牙郎

議事名爲講友解紛之人

日牙

毒食朝餐瘴淫刑夜曬霜

掠得漢人冬月去衣使露處曰曬霜馱筐

花壓背起市集墟場

障身影木葉飲鼻啞藤枝

啞酒以藤置鼻吸之

跳月月圓夜

男女自相

婚配為踴秋秋到時立秋日羣游蘆笛吹狝婦竹鼓打

跳月會苗婦挈竹鼓沿村歸去還祈鬼攤錢祀簸箕有簸

箕口舌

諸名刻木無文字不知文字荒荒古俗傳海肥齊綴錦海肥

字書作蛇山賅儘輸縉射虎風咆穴孥龍雨旱入山洞

應謹呼竹王廟雞骨卜豐年

喊發鷓鴣號出關助喊殃徒竊負嶠火飛鳴鳥銃崗中

名過刀擲跳雞模擲刀跳盪窺伺馳奔馬嘶聚訓狐

扣槽酣醉飽夜賽黑盤瓠臘夜插鼓於野

寬大聞

天詔羈縻赦再雄

乙卯平苗赦酋首吳隨登等以招撫之按宋時用秦再雄制蠻意亦符此

投誠歸版籍闢險盡獯獯樹學文敷教屯田武奏功藍

袍來跳躍鳴鹿聽秋風

馬後天王見猶張介子威

傳重菴中丞攻盤苗寨馬後三天王見形蠢眾誓懼天王

卽竹王三郎也天王之稱

沿宋制軍營立天王堂鵬樓千障立虎寨四山圍夜

火懸亭堠秋風練伋飛防邊功不細畫像肅清巍

中丞

乘馬畫像

祀於乾州

乾陽客館暇日鄧蘭坡先生過訪出詩牌爲採珠

之戲分題分體得詩四十首

秋游懷金山

閒拖藤杖過橋東，徙倚危闌聽晚鴻。
花影半溪流客夢，詩心一笛送秋風。
竹樓煙澹遙邨外，霽岫雲低古洞中。
遠憶金明湖上客，雙帆波綠酒船通。

絕笑

絕笑吹簫客，遙情入雁聲。
樓陰雙樹古，牕火半簾明。
竹翠風飄冷，蓮紅露滴輕。
裁衣秋色淺，巖岫暮寒生。

聞歌

高樓誰度曲，濃淡遞秋思。
花影香流處，桐陰月到時。
多情分旅夢，有韻入新詩。
被酒人初醒，偷腔和柳枝。

夢遠

夢遠湘天嶺樹重飛花慘淡草鬚鬆漉巾酒冷陶潛菊
入幕香銷庾杲暮雨鬢秋風雙劒雪半牀落月一樓鐘
殘更滴盡銅壺漏愁聽吟寒午夜蛩

無題

香軟蘭風澹柳煙綠陰濃處歇秋千青青按拍東東唱
半浦湘雲去采蓮

夢西湖

仙舄翔風掀紫簫南屏鐘韻出雲遙滿湖碧漾雙螺影
花雨吹紅畫六橋

無溪晚步

扶筇我來五溪遊夜夢半繞湘江頭絕岫層巒滴濕翠
練光淨瀉巖泉流村橋話雨先採秋隔林霜寺墮黃葉
山茗點客僧一笠邊樓誰唱古陽關鐵笛橫吹曲三疊
蕭蕭鶴影下寒蕪雲外蒼屏露遙堦

懷友

西風疊疊捲浮萍又采江蓉踏晚汀嶺外書來遲舊雨
樓頭人去散晨星孤舟夢繞層濤碧千樹雲遮遠黛青
愁絕天涯歸約斷蕭疎吟立短長亭

塞上曲二首

漠草冰天斷雁橫紫臺人去冷無情黃雲壓帳風傳曲

愁聽銅琶犯尾聲

盧龍塞外旗翻雪回鶻城邊劒嘯霜夢繞葉河流不盡
鐵衣寒立夜思鄉

秋柳二首

唱斷陽關疊後聲枝枝攀盡遠愁生寒蕪掠燕春無影
淡月啼鴉夜有情歸思半樓銷玉笛吟心千樹冷金城
六朝夢醒西風晚綠慘長橋畫不成

十里涼枯踈地陰塗經板渚氣蕭森明湖歌扇波光瘦
冷塞征衫月影沉臺榭烏棲寒往跡關山螢點碎秋心
酒痕黏袂情懷惡吟折河橋寄感深

無題三首

髮綰秋雲燕裊釵羅衫染碧繡弓鞋冰簾不捲波紋動
金葉聲中聽鬪脾
敲霜鐵馬繞檐鳴一粟寒燈夜五更何處雙鴉粧黛冷
隔樓歌送踏莎行
鬢絲風貼綠雲香影動奩花送羽觴唱斷樽前河滿子
舞衣夜裊蹋搖娘

蟋蟀

碎語月明夜幽情咽冷絃王孫歸未得思婦懶無眠夢
破籬花外愁生砌草邊來聽人小立雙鬢上秋烟

邊城書感

聲蕭蕭邊城笛吹老行人雙鬢白垂楊折盡萬絲煙冷
透征衫落秋色回首昔年遊踏月紅橋頭被酒邀歌扇
題詩上舞樓練裙烏恰人風流此來林立層巒在惟見
歸鴉噪雨斷雁啼霜晚靄溪雲寒壓水一笑狂如木石
兒夜裏船舷唱小海

征婦詞

黑山夜斫冰崔巍邊城一綫天雄開黃皮縛袴腰鳴鐵
健兒快馬馳如飛記昔點軍書卷卷郎名在送郎出關
門離家今十載癡風蕭颯望遠蒼茫夢中無路到遼陽

蘇東坡詩集卷之六
十一
靡蕪山下魂千里
野花野草搖昏黃
愁慘慘兮沙戍冷
莫寄吳棉衣一領
寂寥明月挂寒宵
叫斷雲邊孤雁影

秋草

愁絕文通遠別鄉
關河吟望影蒼涼
銅駝陌冷秋搖露
石虎城荒曉壓霜
野燒吹紅來十里
寒波留碧憶三湘
樓空燕子遮難斷
暮雨瀟瀟唱阿孃

題坡公畫像

雪堂曾草翰千字
醉酣題心與泉明
洽頭難六一低仙
才垂海外鐵曲唱
關西餘子張鼉在
風流渺未齊

海粟圓題壁

小葺山茨養白雲，碧縈兩岸界溪紋。
仙坡豪宕成詩史，老可風流寫墨君。
繁艷鞦韆牆桃半吐，新梢礙戶竹初分。
晝長宴坐耽幽閱，添炷鳧爐蕙篆熏。

贈劉省堂

雲鶴翩然振逸翰，底須文冢嘆殘凋。
治遊前度懷桃樹，清賞何人問牡丹。
策隸銀毫曾壓沈，詩吟冰柱定交韓。
長城儘許偏師搗，三六才名一例看。

贈彭石屏

少日詩名已擅場，虹霓新詠續天章。
秋風捧檄登高閣，夜雨傳經拜後堂。
張幔歌酣神女曲，畱鞋嫁笑小姑粧。

千鍾且醉牀頭甕，臚唱他年侍紫皇。

贈張森圃

劍閣銘題又幾年，豪吟不寫四愁篇。盟心雞黍樽前約，歸思蘼鱸夢裡船。樂府銅絃今見籍，文壇綵筆昔聞燕。喜攀交讓池頭柳，投轄陳遵醉拍肩。

詠史二首

幕府陰符手一編，刀磨大食戰袍懸。天山獵雪探眠虎，瘴海摩霜看站鳶。臺上呼鷹愁蹙蹙，表座間捫蝨惜扶堅。露旗捷奏明駝足，跳盪歡聲凱唱旋。

美釀擅車遞往還，蠻韉豪飲脫嬌鬟。陰森蜀閣形攢劍，

破碎交河氣撼山堞湧夾城橫柳塞兵焚一炬照壺關
酒泉郡舊臣親入老去心遙燕領班

尋春

晴湖浪暖浴輕鷗選勝尋春託短謳聲嫋四絃鳴鐵拍
歌酣一串譜銀鉤珠樓綃翠來仙鬢繡嶺凝青送佛頭
日伴嬋娟餐晚秀粗豪拚笑醉鄉侯

孤館

旅夢何因到北堂寥然孤館暗懷湘曳帆影轉蘆汀暝
聽鐸心搖竹閣涼齋壁浮嵐曾畫米塵函蘸墨待臨唐
步兵廚畔瓶罍溢軟障幽馨菊裊黃

憶舊

履道坊前夜讌園藤梢礙檻影交盤
鈿奩漾月棲輕燕
紈扇邀涼畫綵鸞
豪客黃衫畱劍冷
仙娥白紵疊衣寒
情餘瘦沈延清詠脫幘狂吟酒膽寬

宿山寺

闌蒲冷火奇禪房悄挂冰蟾皎夜光
筠榭談經搖雀扇
梧亭裁韻聚螢囊
槎牙客味眸遭白
枯瘦僧齋面帶黃
愜我吟襟幽賞遍征衫蕩漾颭輕涼

擬宮詞

仗前烟縷閃旌旂金鷄臨粧鵲鑑收
鎖閣花搖聯甲襲

丹除箭緩唱庚籌鳴鞭九殿開魚鑰簪筆千官直鳳樓
起曉朝天扶輦出雕輪泊幕頌春遊

贈鄧寶帆

邊郡探幽眺莽蒼孤雲踪跡遠離鄉豪仍似父憐蘇過
狂絕多朋愛葛疆水色碧添萍沼外雨聲香浥杏筵旁
綠腰小令閒挑撥譜入蕢洲我擅長

憶蘇杭舊遊二首

會狎鷗波一棹孤鶯花約我到東吳歌聲客喜王曇首
詩律人推范石湖驛閣吹晴搖鐵鳳篷牕蹴浪濕銅烏
三高祠下天如水蕢醉斜陽倒百壺

游騎念念旅思遙飛鴻遠盼寄輕綃彈棋座上邀吟塵
掀笛壚頭送酒瓢楊柳晚烟蘇小墓桃花春水秦娘橋
年來悔作歸與計山色湖光夢裡招

題普賢坐象圖二首

慧燈無盡續眞如卍字胸涵水月虛花湧紅蓮燒火宅
衆生齊轉白牛車

雙林花外裊幽馨趺踏瑤光影散星一樣龍華毫吐白
禪心獅吼馬馱經

梅

袖裏寒香結隱緣尋梅索笑意迢然棲株睡鷓鴣環吟屋

繞閣拏龍颺酒天十里雪魂清似水半牕月色冷於烟
金罍記伴紅裳醉別贈吳門泊短船

虎癡以式相好齋初稿寄閱漫題其上

一卷清河小弟詩江西宗派是家師宮闈體自輕江總
樽俎人誰說項斯踪跡幾年傭馬磨才名少日寫雞碑
愁余客臥漁溪水夜雨情遙獨聽時

畱別漁溪諸子

洞天仙笈飽紅蟬贏得狂名溢鬱林寒嶺排霜蟠虎跡
官簾點露疊鷗吟一樽且盡畱髡酒萬首難酬嘔賀心
柳送歸船勞折贈新詩滿載武夷潯

遲雪

我竟欲高臥吟寒倚暮天梅邊香待酌竹外冷停絃空
際色如許此時思悄然心適人渺渺未放剡溪船

題朱荔堂

怡興遺詩

秋風吟社冷湘城落葉敲牕夜有聲細檢金荃燈底讀
茗鑪藥臼想平生

流水泠泠膝上琴微茫樂府漫追尋饒歌巾舞翻新調
一帙妃豨漢魏音

山樓讀書圖

呬唔秋冷半樓燈烟翠沉山月挂冰肩拍華陽同一笑

瑤笙吹上第三層

洛神小賦

綠波湘水裊明璫借影離騷夢一牀千載風流銷不盡
銀鈎閒揭十三行

山齋獨夜懷劉芙初編修

嗣緒

周穉圭司業

之珩

風脆簷牙鐸蕭蕭霜氣深殘篝餽鼠出斷瑟冷蛩吟閱
世愁邊鬢懷人夢裡心知音渺京洛寥落抱枯琴

曉出望湘山

澄空寒霽埽朝氛鉛露溪山畫不分滿壑烟濤陶宰相
數峯金碧李將軍糟牀昨夜聽秋雨林楊何年枕白雲

風帽欹斜回首望馬頭黃葉墮紛紛

宿開福寺印公房

馬王廢苑鎖烟藤斑駁琳臺石幾稜嶽雨半樓棲冷客
湘雲一榻伴詩僧禪風久寂無會佛果難參最上乘
鐘明聲銷蒲褐偈蔭林紅露墮尖燈

曙起

積葉鋪林屋黃雲凝

去聲

不流孤吟寒漏斷殘夢曉燈留

生世愁中雨鬢眉鏡裡秋何時尋舊侶短笠一漁舟

臘夜留龍三雲東

瑛

小飲

與婦謀來酒一樽消寒強醉坐燈昏閒雲似我難離岫

時計借未果

舊雨惟君喜過門
袁虎租船徒自詠
梁鴻冷竈

向誰溫宮亭如願
何時覓清夢同飛白
苧村

彼此商及買鬻

龔二雲濤

立海

遣詩索評闡
藝次韻戲禽

鬱輪一曲老登場
粧點娥媼半額黃
花樣新能撫九朽
根源舊喜裕三長
蕊珠初得飛仙佩
螯螯餐完措大腸
飽領秋風滋味好
者回宮錦奪東方

殘臘書愁

綴瓦冰條幾尺深
巢翻陳鵲啄空林
饑寒自練詩中骨
氣誼誰傾劍外心
偃蹇孤懷吟趙壹
寂寥情思老繁欽
街盃漫索檐梅笑
臘甕清香信手斟

次韻舍何十五
元
四首

百家枕藉詔淹通門第梅花水部風面壁功深經九白
捶琴吟倦壓三紅箱中陰德銜環雀冊裡神仙食字蟲
纔及馬周獻書日掀冠一笑手摩空

蒼茫獨立首搔時
涎眼槐街瘦馬馳
芸帙早知儲柳篋
草鞋休羨賣桃椎
官求我輩何嫌冷
福到才人未厭遲
糴米能招杜陵老
窄衣短鬚鎮相宜

蔗竿酣舞爲君豪
慘綠慙余墮舊袍
杯酒浮名爭鼠臂
叉錢活計刮龜毛
通寶傲銀鴛
稻康柳避市孤棲
仲蔚蒿
一事縛人難解脫
書堆蟬粉日爬搔

撐腸拄腹五千篇
角藝論交記昔年
雨翦景行畦畔韭
香斟慧曉宅邊泉
饒君地稅收文冢
笑我天荒到硯田
碌碌徑須投筆去
彎弓腰矢射蠻貊

題羅花漁

謙

觀瀑圖

巉巖倚天斷岳峙懸流倒噴銀
河水搖秋千丈水晶簾
曳地寒雲捲不起
黛影模糊縹渺間
練光浮動空濛裏
雷霆怒擊聲喧阗
仰見白龍睛掉尾垂綃冰裂愁泉
蛟眠蘿雪冷嘯山鬼
奇觀我昔聞匡廬馬尾龜背綿亘似
一綫奔騰雙劍高
雲錦森張翠飛灑
又聞黃華更幽絕
淋漓韻吐遺山子
蒼嵐濕擁高歡宮
鏡奩青濯芙蓉蕊

平生脚踏九州烟天瓢欲飲流霞髓而此佳境了不到
山猿獻嘲林鶴恥江東生是文酒豪芥蒂胸吞雲夢幾
支牀雨臥雙枯藤被壁壘飛一幀紙狂吟索我揮霜毫
徐凝惡詩笑難洗海風不斷月照空眩轉珠花濺牕几
芙蓉峯丐者乞食圖爲張中階初題四首
儒冠遊戲此風塵鍊就錚錚鐵丐身歌涕無端澆酒夜
銅絃重譜雪中人

蕭然瓢杖立蒼茫羣吠狺狺怒真當失笑一卽千古貉

崖柴憑點作狙囊

圖中朱門重閉
樽犬當關

潦倒牛衣泣仲卿咄嗟狗國聘齊嬰何如毳擁風流骨

托鉢歌姬院裡行

寂寥一飯到王孫四海何門住脚跟
我亦腸鳴饑欲死案頭無帖仿平原

夏初過萬福禪林遇龔二雲濤

立海

夜歸賦寄次

見簡韻二首

躑躅逢君選佛場談深酒坐到昏黃
周秦音釋吾叩衍時雲清袁輯楚南金石畧
盛鄭經傳馬季長未許雲烟空過眼
何曾文字解撐腸絕交書竟終年續
一笑無情是孔方

伏枕行窩睡味濃閉關幽寂絕喧蹤
病妻裹藥扶牀倦釋女挑燈學繡慵
心算書難師范蠡營生鬼亦笑劉龍

劍銘青萍湘山麓喜割愁腸疊數峯

二十六叔父硯麓先生

湘案

借寓江心水綠洲江

神廟登拱極樓題壁次韻二首

飛躡龍梁曉上樓潭州雄秀望全收湘雲插檻千層出
嶽翠搖江四面流禪榻琴樽畱許椽詩瓢風月老唐求
倚天酣嘯濤吹雪洗盪豪襟六月秋

巍峩遠控岳陽樓吸雨吞煙浩汧收三楚帆檣環夾浦
九天鐘磬咽中流無邊香草愁仍種何處騷魂渺莫求
俯瞰蒼蒼人獨立江城畫角冷傳秋

重登拱極樓仍疊前韻

絕無倚傍屹飛樓卅六湘灣汨汨收縹緲身翔天外立
空明影濯鏡中流盪胸屏麓迥相接豁眼員壺近可求
拍遍危欄搖醉墨吟憐倒捲洞庭秋

池上納涼

塵臆臨倦換驚經起起微涼步短亭夾屋水拖雙簞綠
壓城山臥一眉青歸鴉飼母爭巢樹浴鴨呼雛亂唼萍
渴想茶瓶先貯月露盞香煖藕花汀

送賀質夫重遊岳陽

尋盟風月辦行滕縹緲仙樓去再登秋夢半帆搖鄂渚
酒香一甌醉巴陵飛牋幕府裁齡石臥隱湖天傲季鷹

裁亦君山曾曉棹墨花吹上綠陵嶒

贈張童子茂才四首

清風珂里早知名
卅角才華擅老成
行止麒麟文鸞鷟
一衿新補魯諸生

鏡裡芙蓉簇錦函
花風搖影襲欄衫
梯雲纔踏初枕上
骨相凌秋便不凡

芹藻香飛鼓篋來
喧聞佳卷冠園袍
燕然劍閣銘雙擬
從此人誇好秀才

紅牋綵筆字聯翩
十八人中最少年
定識乃翁開口笑
阿鴻今日遠摩天

寄觀襄城管叟二首

脫屣人寰老赤松
卽何處挂吟筇
海鯨浪跨三千界
樓鶴笙吹十二重
舊榻塵飛徐孺子
新碑墨鏤郭林宗
窮泉應灑西風淚
玉樹萊衣夢裡逢
叟子廣用
哀毀繼逝
通德門邊緣長苔
臞仙鶴髮想風裁
人悲洛社頻澆酒
我羨王家早植槐
鴻寶遺文花匱匝
鳳毛繩武錦韞褱
關河遠阻生芻蕘
北望崧雲一寫哀

贈翁茂才四首

摩霄英氣遠飛騰
仰叩天關到幾層
童子軍中人最少
秋風拔幟看先登

櫺星侵曉開橋門得意名聯兩弟舅秋實春華他日卜
錦標爭屬鵲鴿原

幾載蕪城侍綵衣攜將明月二分歸文章半惹江山秀
落紙雲烟麗藻飛

篝燈午夜荻書傳此日承歡遞綵牋我亦一片曾慰母
風流回首十三年

海槎圖

秋風萬里潮半段枯槎去定有飲牛人邀君天上住

乘風破浪圖

快意一帆風乘秋遠破浪直到天盡頭坐嘯層雲上

遭逢白眼圖

偏側蓬蒿間寒餓臥陋宅高放雙眼光照見古人色生
恨不同時古人難我識紛紛塵中眼何暇較青白銅臭
薰其睛小孔兩豆罌白固不屑論青亦未爲得長卿賣
酒傭子雲校書客亘譚世豈多楊意薦可惜一笑閉吾
眸浮雲埽空碧

三十二
灣草廬稿卷六終